

乾隆韓城縣志

列女

韓城縣志卷八

貞女

解貞女父爲中翰彥楨字給諫閭公之孫衍緒性孝而慧衍緒以疾死女聞之黯然魂消曰惟掩泣一日就閤沐浴易新衣將死母知之詭曰兒戲耳其祖中丞公壽氏登樓俯檻望閭氏廬致饋一盂祝曰魂靈來忽涕下滂沱委頓於地家人扶歸遂奄奄病不食以死死之日欲有所言而止惟淚潏潏下祖父哀其志與衍緒合葬焉

阮貞女徐德厚妻聘定未娶厚商於外者十八年父母兄嫂逼嫁終日氏堅志不從急則手刀懸梁後夫歸得完娶人以爲難程烈女父懿受字孫紹曾未合卺紹曾死女欲弔其喪父母不許女惘然出涕時有議婚者女聞而泣曰虎尙不返食女豈可

重婚乘間自經死

陳烈女小字祥雲父陳忠女十歲忠巡檢閩中女與母衛氏家居母病且篤顧其兄諸生衛大鉞曰我卽死此兒尙未字人不能瞑目地下鉞曰我有一子年當此女以甥女爲兒婦可乎衛氏喜卽面許諾時旁無一人唯女在側聞之甚悉及其母卒鉞治喪事葬後不數日亦卒兄妹婚約忠在任不知也且皆死無有言之者因字楊家兒女聞之悲痛不欲生俟其父還點篋中衣物付其嫂謂父曰兒母許兒舅氏父許兒楊氏適舅無父適楊無母無父無母何以爲人言已入閤家人方圖所以善全者已自經矣悲哉死時年十八

鄭氏年十七于歸賈連科未及成婚科當夜外出竟不知所之氏守志食貧撫姪爲嗣子沒又撫孫歷盡艱辛無怨言壽九十

歲

貞女孫氏者白家莊孫豹如之女也字於呂莊諸生劉維漢之子玳而未婚居無何而玳故則固請以從弔者則守其靈而弗去父母促之不聽其翁姑勸之再四則曰兒固分作未亡人矣倘不然是以兒爲非人也則相從以就木焉父母遂不敢強而還爰取猶子承啟而嗣之當是時年方二十二家計蕭條自勤洒掃營績紙用能和於伯嫂以恪共省饌而督誦讀茹荼飲蘗甘心如飴二白賴之以終餘年無何子婦續逝遺孤四齡氏又於顛沛無告之際而爲撫藐諸孤之計雖悲痛深切仍善排譴惟有甘作未亡人而已前後邑令旌其門却之不獲年七十一而鶴髮童顏飄飄乎藐姑射之仙邑侯呂兆胤具以

聞

詔立貞女坊

烈婦

薛氏李煥妻煥商死河南昇視歸里氏號呼幾絕粒米不入口
一日發奩付櫛珥釵帨於姑自飾衰麻坐夫石死

高氏王慎妻同十五歲女小桂避賊高寨寨破慎以捍賊中流
矢死高氏與小桂俱投崖死吉氏與其孫女王黑女亦居高寨
並投崖死王欣妻薛氏子端心真心並居高寨欣率其子真心
與賊戰死薛氏投崖死端心痛其父母與弟亦投火死左公祭
之以文所謂王氏男女節見者九是也俱薛峯村人

薛氏儒士解居乾妻也崇正八年流寇號八隊者蹂韓環刃相
向人被殺掠氏知不能脫徐弗爲動賊以氏容止端麗逼之氏
遂大罵賊手刃隨刃隨罵聲與氣絕而死死七日顏色如生見

居乾哀痛誓終身不再娶時稱婦節夫義邑侯左公石
公式廬旌表左云節烈可風石云千秋碧血子延祚歲貢米脂
訓導

解氏庠生衛景鯨妻廉憲經雅女也與景鯨相敬如賓鯨讀書
屬文爲邑名士未幾以暴疾卒氏卽拔刃自刎血淋漓遍體而
幸喉脈不絕如縷自午至酉方甦氏時甫二十歲翁姑環泣謂
兒有此節概胡弗爲夫繼後不賢於死乎氏遽悽然曰兒過矣
兒聞命矣遂以從子雲龍爲嗣撫育課誦旣已婚娶補諸生則
又不賺氏痛哭不食越三日於子柩前自縊死邑侯左公弔之
爲上其事奉旨給銀一百二十兩建坊

師氏張文龍妻生子二軀死氏縊於柩側二子哭而解之復甦
語家人曰我志決矣痛哭絕粒而死

陳氏楊先樓妻年二十五歲樓沒於水氏慟不欲生越七日自縊死

李氏諸生王名世妻流寇攻陷薛峯村氏被擄掠以禮自防賊不敢犯擁至堡城下招贖氏卽大呼曰我亦陷於賊以心跡不白爲恨母用贖也我欲死人見處耳遂以手批賊面大罵而死王氏諸生名世女節婦李氏其元配母也城古村民顏問仁妻仁浪擲家貧不支計將遠走氏委曲招之歸戒曰妾織紉足供朝夕幸無生他念仁如約未幾仁死氏不食三日其兄至從容問死生孰愈兄曰死固善如母老何氏曰然但歸告母我且強食母憂兄去卽自經樞旁

吉氏薛曲里民衛思德妻生二子一五歲一幼流寇入大王劫燒氏被執度不能脫抱幼子赴火死

孫氏生員張爾達妻事三繼姑孝無間言流賊焚殺陳村小寨氏投井死賊退屍出十餘日而如生左僕旌表其門

解氏生員薛惟緒妻緒死氏剪髮一縷入其幘中勺水不入口者七日嗚咽而死奉勅建坊旌表

程氏王純妻被賊執罵不絕口尋投河死左公旌曰烈婦之門石公旌曰濯魄冰壺

衛氏烈士梁民養母流賊攻砦砦將破自經死

薛氏舉人王三聘妻三聘如京謁選死氏泣謂母曰夫嘗云不敢望生富貴人但願世有節義人何忍忘其言乎夫柩歸飲藥死

孫氏趙翔鳳妻流賊毒韓避居崖窰賊攻三日崖窰破懷抱幼子夫婦並投崖死

趙氏翔鳳女諸生薛勛王妻避寇化石村崖窰寇攻之將陷氏
墜崖死左公表之

孫氏薛允中妻流寇攻砦陷氏度不免與二女堅縫衣裳使不
離體同墜城死左公表之曰一門節烈石公表曰絕嗽凝馨
張氏秦惟翰妻翰同父畊八代王賊殺父而繫翰索贖翰痛哭
死罵賊賊貪賄不殺氏聞號泣登城罵賊賊並殺翰氏卽欲投
城共死爲人救歸與繼母相依奉事盡孝以終

劉氏孫一龍妻殉夫自經邑令表之曰貞烈

李氏諸生高冲漢妻雙華其婢妾也順治初賊劫村堡二婦各
抱所生子走李氏子曰發祥雙華子曰夢祥俱爲賊掠夜行至
荒畔李私謂婢曰吾父兄世皆官宦決不從賊入山此子付汝
養未已卽以身投崖賊亂叫而李氏已在崖下昏而未死自亥

至午漸避坐石上一賊忽過呼上馬不應以刀破之傷其項忽一人自砦下視之則其姨母也扶至家事數月而愈雙華於李投崖後私念二子不能兩存吾子賤非正出遂棄所抱而存李了至賊所十餘日死不置懷賊義之亦不犯及以贖歸所棄兒乃爲鄰人所收養在家無恙遂爲夫婦妻妾子母如初李氏庚午舉人許州學正國琮女也

晉氏薛自通妻通死氏年二十餘一子守節撫孤順治己丑寇至氏避居樓上樓破被擄欲死其子大中以死隨之不得便行至柳枝村誰子他去投崖而死

薛氏趙西里民閭邦計繼妻夫死無出撫前妻子既長爲娶婦不幸子與婦俱死留一孫撫之成立順治七年寇至被掠罵不絕口賊怒殺之

王氏衛士望妻夫亡年二十餘一男一女毫不爲顧哭泣數十日絕粒而死

吳氏儒士張雲樞妻諸生必昌女畧知大義于歸一歲夫死葬後謂其母曰人生在世節孝不能兩全吾唯一死而已愁鬱終日飲食漸減未幾而死

史氏王國彥妻國彥死泣不食葬後以衾自覆長卧不起家人叩之無一語未終月而逝

陳氏李濂妻濂病將死氏誓相從絕食數日父母以子女未婚勸止之隨居母家數年嫁娶畢謂其子女曰汝各自愛遂寢疾泣血數日而死

以上俱續志

馮氏巨縱忠妻夫故氏堅貞自矢守身不污有兇徒強犯之氏大呼力拒不從被兇勒死乾隆二十一年奉 旨建坊旌表

馮氏張翁妻夫亡守節或謀逼改嫁氏執不從將幼女先推入井隨亦投井而死

孫氏陳廷側妻夫亡遺子甫五歲鄰婦探其意勸令他適氏曰吾有子冀其成立汝何出此不義之言於是引錐自刺其左目撫子元善成名壽八十而卒

節婦

陳氏相里堡里人適本縣郭庄里孫謙生子景仁甫一歲而謙卒陳氏時年十九誓不易節以貞潔固守至正十六年旌表其門

陳氏西庄里人適本里楊庸生子宗敏甫二歲而庸卒陳氏二十一歲誓不再配奉舅姑甚孝育孤子甚慈舅歿葬祭以禮姑瞽侍奉益勤洪武二十七年旌表其門

賈氏南隅里人適本縣王伯占生子三伯占亡時氏年二十九家貧勤紡績以事太姑並姑甚孝年八十四終名節無玷

馮氏范村里人適澗南何承祿年二十而祿亡家貧紡織誓不

二夫終身無玷

俱前志

趙氏晉四妻也四死氏年二十二一子昭方在懷抱兄弟欲奪嫁之氏矢志不從食貧撫孤每汲水河上必負其兒至水所則置之平地上汲已並負而歸率以爲常耕耘收穫寸晷不離夜則績紡家計漸立孫五人曾元至百餘卽龍盤先生賓王之八世祖母也

李氏諸生賈梧妻梧死氏年十七哭不欲生父母勸止之爲立嗣布衣淡素守節七十餘年戴公匾之曰柏舟矢志蘇公曰柏舟堅節王公曰節可凌霜左公曰節婦之門

薛氏趙承先妻先卒氏年二十家貧姑老二子一女氏課畊織紡事姑至孝撫孤成立直捐吳公參上其事扁旌食俸如例免丁二事在萬歷三十一年

薛氏趙揚芳妻芳卒氏年十九以姪爲嗣家貧守節壽八十二歲事在萬歷四十四年

薛氏吉來敬妻生子星燦方五歲來敬死氏絕粒嘔血誓以死殉翁姑以子幼止之遂事親撫孤紡績以給朝夕屢值荒年糠粃自啖教子星燦讀書中戊辰進士特疏陳情奉旨建坊旌表同氏張惟偉妻偉死氏年十九誓不他適遺腹子文轍爲諸生以善書名孫八人一鄉舉餘皆諸生壽七十

劉氏王養粹妻年二十餘夫死守節孝事孀姑與叔同爨子者都中甲辰進士

薛氏高文運妻運亡氏方十七歲守節立嗣年九十六終子名
自養娶妻李氏養出外不歸氏年幼無子坦然靜處無怨言年
七十五終

張氏吉白松妻流寇剽掠松被執拷死焚其家氏痛幾絕無棺
自負屍出葬至中途賊復來氏抱屍痛哭賊舞刀欲加旁一賊
憐之勸止得免既至墳掘葬畢欲自經而孤在抱忍不死時年
二十五歲無翁姑兄弟紡織度日十三年大荒家止米三斗煮
粥食子自啖糠粃自舂及夏粒米不入口閭閻變後益貧困辛苦
數十年壽九十二終子耀明賴以成立

張氏張星耀妻夫死年二十三無子毀容斷髮以死自誓翁姑
爲立嗣紡績課讀子省度爲諸生壽六十二終

李氏薛自強妻年十六夫亡舉一遺腹子堅心守節父母欲嫁

之氏不從遂欲絕往來子允中婦孫氏卽與二女墜砦城死者也

解氏儒士薛印淑妻能讀孝經論語夫死氏年十六一子甫三月誓不改節善事翁姑藥必親嘗孀居七十五年壽九十一邑令履旌之

梁氏張光裕妻夫死未幾子永瑞亦死孝事翁姑葬祭如禮無子無孫年八十二卒有手書祭兒言詞意酸苦聲淚嗚咽慘不忍讀

孫氏諸生劉昌引妻天死年十九一子翁性嚴酷諸叔橫逆動卽譴阿氏隱忍守節年九十終

賈氏史可誌妻誌死氏二十餘二子一女翁姑皆老地崩於河紡績食貧養親育子年七十二卒

趙氏李夢春妻家至貧夫死年十九誓不再醮撫子成人壽八十

吳氏秦文煒妻年十九夫死守節值奇荒誓不他適撫子成人壽八十

張氏吳之音側室十九婦居撫嫡孤若孫曾劬勞三世人以爲難壽八十

周氏吳自文妻夫病篤誓以死守後爲兄百計迫陷瀕於危亡終不改節不愧堅貞

薛氏諸生王秉乾妻閨變秉乾遇害平陽氏年二十二歲無子立嗣以守孀居五十八歲卒

高氏薛之奎妻夫客死他鄉氏罄笥覓金歸葬立嗣守節數十年卒

王氏張白潔妻年二十二守節不出閨門人罕見其面色令表門

解氏劉巡撫仲子廷仕妻遇變夫死家產入官氏幼無出依母家守志終身孀居四十餘年卒

郭氏諸生衛執瑞妻瑞少亡氏年十七子女無出堅志守節七十而終

薛氏劉述古妻夫死氏年十七生一子食貧守節寄居母家年八十四終

高氏解自性妻夫出外死於河南氏年十七止一女家赤貧又無翁姑子姪誓不再配紡績爲生以老年七十八歲

王氏薛元賓妻無子守節孤苦終身

薛氏程股輅妻夫垂死以親老子幼相託氏孝事病姑五十餘

年撫子成立翟侯以節孝表之

史氏諸生衛廣生妻夫死姑憐其幼且無出勸令他適氏堅不從翁運揚以進士司理保定亦以氏年幼令勸之嫁氏涕泣不食曰身可死節不可移翁喜爲立嗣氏撫之成立卽諸生原邠也年五十四卒孀居者三十八年乾隆十四年旌表

梁氏諸生程謙光妻十六歲夫亡守節壽七十餘歲

丁氏史序官繼妻十七孀居子幼親衰備極辛勤年六十餘終劉氏吳自省妻自省出外不歸子必昌六歲氏上有祖姑繼姑下有弱子女紡織奉事教子爲諸生邑令賢之旌表

劉氏諸生吳無隱妻夫死守節

解氏武舉引桓女邵陽貢生康懋典繼妻少典三十一歲相敬如賓典故左輔名流司訓吳堡數年病卒氏子女無一出誓死

守節三年中未出門庭一步撫教前孫勤苦哀涼人以爲難

師氏趙於階妻夫亡氏年十九守節撫孤五十餘年旌表

衛氏儒士薛生德妻年十九夫死子英甫二歲叔生周亦幼弱家貧年荒辛苦支持事姑撫孤曲盡孝養叔及子後皆爲諸生孀居十五年而歿

劉氏諸生陳經綸妻夫亡氏年二十一子棟方二歲奉姑撫兒守節終身子爲諸生

孫氏諸生薛丕基妻夫死守節五十餘年壽八十二

程氏晉星妻十八孀居年八十終

孫氏相里獻猷母勤苦守節八十三歲

燕氏晉一鳳子婦安貧守節教子有方

薛氏諸生解居元妻食貧守節課子成名卽壬戌武進士全斌

母也

陳氏解引槐妻守節持家四十餘年

楊氏劉著妻年十九夫死守節

楊氏劉民治妻夫死京師氏年二十一立嗣守節

王氏程寵受繼妻夫前一子方二歲氏撫愛之又自舉一子年十九夫死守節紡績度荒保全二子二十八年卒

王氏史節妻夫死年二十奉繼母撫嗣子守節旌表

李氏諸生衛執圭妻少亡氏年十八堅志守節爲立嗣繼後

陳氏梁若礪妻礪少亡氏年十九堅不再嫁立嗣守節

史氏諸生黃裳妻夫亡守節

郭氏張毓墳妻夫亡守節

張氏劉國極妻夫亡守節孝事翁姑勤撫子孫邑侯表之壽九

十六

強氏張文輓妻年二十四孀居壽八十薛氏生員張文韜妻年二十四孀居壽八十二婦孀同壽同節同且妯娌也人稱一門雙節

秦氏樊慎妻夫亡守節

王氏薛世興妻食貧守節

薛氏強不息妻夫死年十九守節旌表

楊氏王居彩妻夫死守節被徵兒婦也

雷氏解登位妻年十八夫亡子甫七月勤苦守節年八十二終
薛氏生員位士玆繼妻撫前妻子女甚篤孝事病姑紡績自給
吳氏儒士趙璧妻璧有才名未售而亡又無子氏苦志誓死守
節爲立嗣繼後

郭氏儒士薛彩鳳妻鳳死氏年十九遺腹子元植守節成立爲諸生

解氏儒童焦遜妻夫亡無子誓以死守孝事翁姑以終其志未幾而死

馮氏庠生薛珠琬繼室年十九夫死一子在抱矢死靡他紡績守節以終

魚氏吳自亮妻夫死守節

張氏諸生薛隆世妻隆世病七載日侍湯藥及夫卒撫前妻子如已出比長而歿氏痛不欲生立嗣孫撫之苦節四十餘年楊氏陳朝英妻夫亡氏年十九家赤貧事翁姑甘旨無缺撫子入泮有聲未幾歿苦節四十餘年

孫氏師正學妻夫死子少氏撫之未幾子亦死一慟輒絕所居

屋兩間風雨無障氏鍵戶獨處早夜紡績自給苦節歷五十三年

姚氏劉學龍妻年二十二夫死三子俱幼翁衰老繼姑性難事氏矢志守節備歷艱苦常竟日枵腹飲泣不言教子務農經商家漸康遇戚屬貧者恒周之歷六十六年諸孫繞膝有遊庠者人皆謂苦節之報雍正九年旌表

薛氏楊之鴻妻年二十餘夫死姑老病子幼氏以簪珥爲織紉資養姑育子或諷之改節遂自損一目以誓子宋鎮諸生雍正八年旌表

祈氏陳振興妻振興死氏矢志不二姑在堂孝養無缺嚴課二子俱得成立苦節三十八年雍正元年旌表

薛氏儒童陳其誠妻夫瀕歿氏剪髮矢志姑病疫幾危或勸少

遠之氏不聽朝夕扶持目盡腫且流血姑見驚之一汗而痊家貧事縫紉資日用撫孤入庠雍正九年旌表

范氏儒童劉翁順妻家素貧舅姑亡夫亦繼逝氏拮据經營喪葬成禮教子慈嚴兼盡雍正九年旌表

屈氏文宗興妻夫亡堅志事舅姑教三子有法先後列博士弟子後仲季兒媳俱逝遺弱孫四人時氏年已六十又撫育教誨長孫亦列博士雍正十年旌表

張氏王成基妻夫服賈客死遺孤數月又死時氏年二十迎夫柩歸葬依依舅姑前手紡車以爲養一姪尙襁褓母死夫貿易在外氏痛曰王氏兄弟惟此而已撫之成人乾隆元年旌表

閻氏陳忠印妻夫故撫孤事舅教其孫後列博士弟子遇饑周親族焚借券守節六十六年乾隆四年旌表

程氏諸生陳璠妻夫亡後舅姑疾侍湯藥終夕不寐夫兄弟五
人氏愛敬猶姬以是家益昌子士選列博士乾隆四年旌表
薛氏諸生馮翀南妻于歸時舅姑卧病甫五日即奉湯藥泔友
裳畧無懈志夫死屢值奇荒至不能舉火躬紡績以給日用子
瀛邑諸生乾隆四年旌表

吳氏張鳴鳳妻孝事翁姑夫亡撫子成立乾隆五年旌表

曹氏王珂妻夫故時年十六歲撫遺腹子成人乾隆五年旌表
張氏高爾政之妻也夫故事病姑極勤願撫三子教養兼盡長
樹敏仲汝功俱膺武科幼汝滋亦入泮於乾隆六年旌表

楊氏趙國佐妻夫亡守節撫子養心入泮乾隆六年旌表

衛氏解垣琪妻延川訓導禧之女也夫故誓不獨生家人反復
諭以撫孤延嗣乃已守節六十餘年教子鈞成立乾隆七年旌

表

王氏郭完妻年二十夫亡親老氏承歡不怠撫嗣孫成立乾隆
七年旌表

郭氏趙啟佑妻夫歿氏能事翁姑以姪爲嗣又亡與媳同撫諸
孫乾隆七年旌表

薛氏張應雨妻年二十夫亡家貧撫孤備歷艱苦有勸其改適
者氏終身不與言乾隆七年旌表

陳氏諸生衛公振妻夫亡以死自誓人勸以立嗣爲重乃解後
嗣姪能教之乾隆七年旌表

張氏任元亨妻夫歿孝事姑育子國鈞人泮乾隆八年旌表

張氏陳振祉妻夫病嚙指自誓守節孀居貧乏教撫三子乾隆
八年旌表

郭氏薛居福妻貧苦守節孝姑撫子乾隆九年旌表

吳氏王養寬妻十九喪偶隻身事姑子甫週歲氏撫育成立乾隆十年旌表

王氏貢生賈締芳妻柏舟矢志苦節艱貞撫孤四十餘年享壽六十九子應旂登鄉薦次應旌膺歲薦次應旂庠生孫八入泮者三皆其所培育也乾隆十一年旌表

賈氏薛廷銓妻夫病疫亡兄弟嫂姊皆相繼而逝氏撫育羣孤以姪俊爲嗣將室又亡後撫姪孫增爲嗣孫乾隆十年旌表

張氏陳紀運妻夫歿姑老貧育幼子乾隆十一年旌表

王氏汶上令之女適督憲賈公宏祚之孫監生應鏞十七子歸十九而孀翁姑俱逝子亦偕亡乞嗣猶子營辦六喪培育爾後霽霽芸香於乾隆十一年題旌子永膺吏目孫四長鎮海登

仕籍次鎮江廩餘皆入泮壽八十有二

薛氏楊悅斗妻早歲孀居事祖姑並姑極盡孝養撫二子成人
乾隆十二年旌表

陳氏增生劉以忻妻夫故孝事舅姑教子有方乾隆二十年旌
表

楊氏生員王家樟妻年二十喪夫敬事孀姑撫子廷珥入庠乾
隆十二年旌表

高氏劉深妻夫亡子女俱無氏堅志守節善奉雙親撫姪爲嗣
乾隆十二年旌表

曹氏陳舜妻甘貧守節紡紉以奉翁姑撫子成人

強氏薛蔚妻夫歿貞守善事病姑積勞自殞子煥入泮乾隆十
三年題旌

賈氏強奇才妻夫亡子幼家止河灘地一畝日嘗一餐備歷諸艱撫子長成乾隆十四年旌表

段氏劉從盛之妻二十餘歲喪耦孝奉翁姑撫育穉子景桂浙江龍游典史乾隆十四年題旌

衛氏郭又儀妻夫歿子甫一歲撫養成立及壯而卒遺孤二歲氏與媳多方撫育後入大學乾隆十六年旌表

衛氏王洪業妻母氏王永慶妻俱乾隆十六年旌表

蘇氏賈文衛妻夫逝誓志無他有子欣幼繼長兄後入泮有孫亦成立嗣皆不絕乾隆十九年旌表

李氏吳雍來妻夫亡子女並無氏誓不再適悲泣喪明撫姪生員奎彰爲嗣乾隆十九年旌表

王氏張喜民妻夫歿於外氏誓不再適姑先逝翁失明奉養孝

順撫遺腹子成人又王體貴妻薛氏一十九歲孀居守節五十
七載又張瑾妻段氏夫亡斷髮毀容守節四十餘年俱乾隆二
十一年題旌

薛氏師文周妻夫病誓守孀居孝姑撫姪古入泮乾隆二十三
年旌表

張氏王幾科繼妻十九夫故善事病翁撫前子無異已出守節
六十餘年乾隆二十三年旌表

阮氏曹烈妻夫病孀留之際截髮誓志翁痛夫亡而疾氏奉湯
藥不懈教子福錫入泮乾隆三十年旌表

陳氏吳崙妻性淑貞夫故撫伯兄大學生崑之子爲嗣事翁姑
恪執婦順處伯嫂罔或失禮勤苦自勵家計漸豐子淵泉入泮
學孫亦入泮守節四十餘年壽六十有三乾隆三十年旌表

王氏薛喜寵妻夫歿姑老子幼歷盡艱苦乾隆三十一年旌表
王氏吳作檀妻夫亡堅苦守節撫嗣子成人乾隆三十一年旌表

薛氏樊士瀉妻于歸二載夫入山採樵死於虎氏年十九翁姑慮其守之不終也以斧斷指自誓撫堂姪大受爲嗣乾隆三十五年旌表

王氏胡廷舉妻夫歿無子孝事病親撫堂姪爲嗣乾隆三十八年旌表

李氏閻玉光妻十六于歸越四月夫歿氏持志能貞孝事翁姑撫堂兄豐光之子爲嗣乾隆三十九年旌表

薛氏郭永樞妻少婦無子矢志守節撫姪爲嗣又早逝乃撫幼孫新淵成人乾隆三十九年旌表

陳氏王盡忠妻夫死於虎氏誓死守志孝奉翁姑撫育遺子乾隆四十一年旌表

廉氏孫帝望妻夫歿家極貧氏竭力養姑撫子成立守節五十餘年間里稱之乾隆四十一年旌表

楊氏固原訓導文炳之女薛維烈妻也長兄繩烈邠州訓導同胞四人而氏夫居三病卒榆林旅邸無子氏志欲同斃緣家人解救始釋乃撫猶子成人於四十一年旌表仲兄名烈仲嫂孫氏庚戌進士龍竹公女名烈故遺二女一子與楊氏朝夕勸勉讓甘分苦稱和遜焉

王氏胡安廷妻十七孀居撫嗣子永謀人泮乾隆四十二年旌表

曾氏同盤妻夫歿事姑極孝撫子成人乾隆四十三年旌表

高氏張宏适妻十七于歸未一載而夫亡撫前子守禮成室又亡遺孫爾弓氏艱辛撫育後以武薦於鄉乾隆四十三年旌表
李氏生員陳秉忠妻夫亡矢志力奉二老撫子成立乾隆四十年旌表

吳氏大學生衛芬妻夫歿誓無他志奉繼姑撫幼子乾隆四十五年旌表

陳氏監生楊天全繼妻年二十一而孀教孤成人未幾子婦俱亡撫三月初孫終老乾隆四十五年旌表

劉氏高啓樾妻孀居後兄嫂繼逝隻身事親撫子姪俱入泮乾隆四十六年旌表

李氏張爾顯妻夫病亡撫孤成人後兒媳繼亡遺孤數月氏撫養及長備歷辛苦乾隆四十六年旌表

許氏梁士琛妻十九婦居敬事翁姑撫嗣子爲國學生乾隆四十七年旌表

楊氏薛秉午妻夫故遺子汝濟甫踰月氏撫育成立乾隆四十七年旌表

何氏高峻妻夫歿立志貞守善事翁姑撫遺子三歲教以成人衛氏呂文興妻安縣知縣功之曾祖母也氏年二十二歲夫病亡遺子三齡氏泣曰一死何難所惜呂氏三世單傳止此一綫耳固誓守節有小姑與族叔利其產流言欲奪其志而氏志益堅

張氏太學生薛君楫之妻也楫去世長子祥甫六齡次禔猶襁褓氏朝夕織紉事老翁無缺養課二子讀慈且嚴祥果膺鄉薦筮仕江豫視亦成貢生孫曾繞膝熙熙也又李氏楫胞兄君枚

之妻枚逝遺子藻又早亡氏矢志勵守取祥爲子如已出與張左右教勤後以祥子賓興嗣藻

師氏王永嘉妻夫亡守節教子士梯入泮壽六十二

史氏趙縣寧繼妻十七于歸沐踰月夫亡撫前子璧入泮壽六十一

師氏廩生王煥繼室煥性孝友於都憲公杰爲從兄學業相亞氏勸佐攻讀煥嘗肄業關中書院嗣又舌耕近土每以高堂省饌爲計慮氏一一體意而行之居無何而煥逝氏艱貞撫孤今其子當時已入泮矣

張氏陳忠愛妻夫亡守志撫姪錦爲嗣入貢壽七十三

卜氏薛秉矩妻夫亡守節撫子銘入泮

史氏舉人薛桴繼妻夫亡守志學憲童鳳曰苦節全貞

薛氏史帝心繼妻夫死撫前子炳蔚甘貧攻書中壬子副榜
薛氏庠生衛藻妻夫亡守節撫子在田入泮食餼壽八十六
陳氏廩貢高亦蚡妻學政朝君女夫亡守節撫子墀食廩入貢
康熙庚子歲饑命子出粟三百石銀二百兩賑恤里人贈匾
郭氏韓存忍妻十八夫亡撫小叔之喪讀書入貢壽六十三
王氏監生張永耀妻夫亡守節撫子擢入泮

薛氏趙元斌妻十八夫亡矢志守節撫子握璧入泮壽六十六
薛氏唐繼堯妻夫亡誓志撫姪維佐讀書入泮壽六十二

史氏王景覽妻夫亡撫姪承祖爲嗣入泮壽六十

衛氏強新有妻夫亡撫子守節備嘗

陳氏生員高樹棟繼妻十八夫亡撫前子元鈞入泮

衛氏王純妻十八守節撫子炎入泮壽六十七

張氏廩貢高埤妻夫死守節撫姪爲嗣教孫步雲入泮

丁氏劉明亭妻夫亡守節撫子廷輔讀書入泮

陳氏贈彰明令太學生璵之女也適士人王緒無子而孀爰撫兄子天成而嗣之時成方八歲而舅姑齒衰氏服勞俸養恪謹彌篤其撫孤也恩勤備至有不逮則談笑而婉導之不聞詬碎之聲成亦恭順人幾忘其非所出也居無何而成逝氏年六十有一矣艱苦備嘗頻遭橫逆而不之較遲之八年始獲嗣孫以承祧壽七旬而卒

郭氏監生張燕翼之妻夫亡無子併無產誓志守節奉姑終老辛苦備嘗壽六十三

吳氏許衍戟妻生員鵬搏之女也十八夫亡依繼姑以守歷三十餘年尙未立繼

吳氏郭維新妻夫亡無子家徒四壁立依其姑撫幼女以守星夜勤苦越二十餘年始得猶子而撫之

程氏陳永祥妻奉姑頗得懽心和於妯娌年十九夫亡堅心守節

劉氏丁運祚妻年十八夫歿守志壽七十八邑令冷匾曰鶴算松操

杜氏張忠妻十六夫亡誓志無他母族欲令改適氏毀容益堅其操

劉氏樊宗壽妻十八夫亡守節撫姪學憲楊匾曰清操勁節壽八十五

程氏孫廸性妻夫亡守節撫姪爲子壽八十九歲學憲嵇匾曰苦節完貞

柳氏生員陳沛霖繼妻夫亡甘貧守志奉姑撫孤備極勤苦壽六十餘歲

張氏文大伸妻十七夫亡苦志守節撫姪爲嗣壽六十二

陳氏王典妻十六子歸七日夫亡孝事病姑撫姪延嗣學憲稱匾曰柏舟矢志

張氏王盛魁妻二十夫亡遺子甫三日堅心苦節撫子成立壽七十一

陳氏薛麟瑞妻年十七夫亡苦志守節撫姪爲子壽六十二

梁氏吉恩溫妻十七子歸夫有痢症亡姑目疾守志扶持撫姪爲嗣壽五十餘歲

程氏薛天心妻年十九子歸數月夫得瘋疾溺死河中翁因子亡亦瘋氏撫遺腹子守節奉翁紡績度生壽七十八

張氏李壽繼妻十八夫亡姑失明氏撫前子藜藿自苦壽七十

五
梁氏史向榮妻夫亡乏嗣立志守節辛苦備嘗里人贈匾壽六十二

薛氏陳元坤妻十七夫亡堅志守節事姑敬慎里人贈匾

張氏申志妻十九夫亡守志撫姪爲嗣壽八十四

張氏衛瓚妻夫亡守志子又早亡或勸改適氏益堅守壽八十
二

薛氏趙梅妻十八夫亡守節或奪其志終身不改

高氏衛維妻十七夫亡氏守志奉翁姑育遺腹子壽七十二

薛氏閻密妻十七守志孝翁姑撫姪爲子壽六十

趙氏衛學妻夫亡守節撫子辛苦壽六十一

薛氏楊四教妻十八年歸七月夫亡守志孝親撫姪爲子壽六十五

張氏監生樊景坤妻郝氏景焯妻吳氏景煥妻高氏景煒妻俱夫亡守志一門四節

解氏薛哲妻夫亡守節撫子辛苦學憲嵇暹曰不愧所天壽七十九

梁氏薛嘉謨妻十九夫亡守節撫遺腹子學憲楊暹曰清操勁節壽八十二

強氏監生劉錫英妻夫亡遺子週歲氏苦志守節奉舅姑撫子學憲嵇暹曰冰雪清操

祁氏師佩妻夫亡苦志守節邑令劉暹曰苦節可嘉壽八十六
劉氏薛文烜妻夫亡守志撫姪爲嗣壽八十四

雷氏劉喜鳳妻夫亡守節撫子早喪又撫嗣孫壽七十二

劉氏樊珂妻夫亡守志邑令孫匾曰節比松筠壽七十八

韓氏解錫瑗妻夫亡守志撫姪爲嗣壽六十八

梁氏申朝繼妻夫亡撫前子守節壽七十三

趙氏陳希榮妻二十夫亡苦力績紡奉親撫孤壽六十六

陳氏王家裕妻十八夫亡守志壽八十

劉氏徐占鰲妻十九孀居撫姪爲嗣壽六十六

尹氏丁毓茂妻二十夫亡奉祖翁姑撫子成立壽八十二

王氏文大卷妻夫亡守節撫姪爲嗣壽六十五

薛氏文敷妻十八夫亡事繼姑和妯娌守志撫孤壽七十三

劉氏陳希勤妻夫亡守節或謀奪志氏益厲其貞邑侯鄭匾曰

守節

薛氏吳官生妻夫亡誓志奉姑撫姪壽六十一里人區曰節苦孝純

王氏馮仲珊妻夫亡守志辛苦自甘

薛氏馮仲珮妻十六于歸二月而夫亡守節孝親撫姪爲嗣壽八十

張氏監生孫蒞衆妻夫歿守志孝奉翁姑撫姪爲嗣壽六十一
薛氏孫念基妻二十夫亡姑失明事極順撫子及孫壽七十八
邑侯鄭匾曰貞節凌霜

韋氏王家權妻二十夫亡守志撫子辛苦壽八十五

孫氏陳曰王妻十九夫亡守志撫孤壽六十三

呂氏王世厚妻夫亡守志苦奉翁姑撫姪爲嗣壽七十五

韋氏薛應欽妻撫姪格爲嗣壽六十九媳王氏十七于歸七月

而格亡苦志守節撫姪爲嗣

張氏王君赴妻夫亡守節撫養前子

張氏許湛妻十九夫亡堅守撫子壽八十三

吳氏楊岐妻二十孀守撫姪爲嗣壽八十

李氏張採妻夫亡撫遺腹子守志壽七十一

武氏張繼孔妻夫亡依母家撫子守志壽八十一歲

劉氏胡紹舜側室十九夫亡守節邑令鄭匾曰節傳閭閻

程氏張文鏡妻夫亡守志叔欲奪志氏益堅守壽八十

馮氏孫增福妻十七守節奉翁姑撫姪爲嗣

吳氏王文大妻夫亡撫子曰玕又早亡媳牛氏撫孤守節邑令

朱匾曰冰玉雙清

高氏王爾收妻夫亡小叔迫令他適氏矢志終不能奪

劉氏陳士清妻夫亡守節奉翁姑撫遺子壽八十

段氏張鵬翼妻夫亡守節

孫氏嚴雲倬妻夫亡守節撫姪爲嗣壽六十三

高氏孫根梧妻夫亡守志奉翁姑撫弱子壽六十四

孫氏雲進川妻夫亡家貧辛苦撫子壽六十三

徐氏亢重欽妻夫亡矢志孝事翁姑撫姑成立壽六十四儒學

黃匾曰義凜冰操

程氏陳其逢妻夫亡誓志撫育幼子壽六十五

王氏賈鉞妻夫亡矢志事親撫子壽八十六

樊氏馮智新妻十八夫亡立志守節邑令福匾曰節茂松筠壽

七十二

李氏黃廷緒妻十八夫亡守節奉姑撫姪及孫壽七十一

焦氏王才任妻夫亡守節撫姪爲嗣壽六十六

薛氏王紹漢妻十九子歸數月漢出外姑多病氏紡績敬養姑沒後漢歸三月復出外沒氏迎葬遺子洛兒多疾撫育艱難甘貧終身

何氏魚居沂妻夫亡姑早逝翁病癱氏委曲奉養撫小叔成人閻氏程健妻年二十夫亡守節撫姪爲嗣壽七十三歲

史氏吉震乾妻夫亡守節家貧撫子學憲嵇區曰彤管流芳

王氏貢生楊熙妻夫亡守志撫孤壽七十四

王氏劉鈺妻十九夫亡守節奉翁姑撫子壽七十五

王氏劉文斗妻夫亡守節撫子辛苦邑令劉區曰閭內完人壽七十八

王氏孫振武妻夫亡苦志守節事翁姑撫子學憲楊區曰荼苦

完貞壽八十三

相里氏陳炎妻二十夫亡守志奉翁撫姪爲嗣

王氏監生劉自修妻夫亡守志撫孤學憲嵇隲曰循陔汎柏壽

七十四

李氏趙景謙妻十九夫亡守節撫姪爲嗣壽六十九

史氏王惟蒲妻十八夫亡守志撫姪爲嗣壽七十

李氏趙閔妻夫亡撫孤守節壽七十八

燕氏衛士鰲妻十八夫亡撫孤成立邑令劉隲曰苦節堪嘉壽

七十四

雷氏程榮生妻十九夫亡守志撫姪爲子壽六十八

李氏衛可承妻夫亡守志事姑撫子壽六十六

張氏孫垣妻夫亡守志撫孤學憲嵇隲曰幽光足式壽七十二

孫氏楊君佐妻夫亡撫遺腹子守志壽八十四邑令劉匾曰貞節義重

高氏吳推已妻夫亡守節邑令朱匾曰壺內完人

雷氏劉嗣堯妻夫亡矢志撫孤壽六十六

趙氏薛咸臨妻夫亡矢志邑令劉匾曰節凜冰霜壽七十五

程氏趙永祿妻夫亡誓志勤女紅奉舅姑撫嗣子早亡又撫孫成人

李氏薛君枝妻十九夫亡守節撫姪爲子壽七十五

衛氏程掄元妻夫亡守節育姪孫爲嗣

楊氏程朝英妻夫亡矢志邑令朱匾曰閨閣完人

程氏生員薛潼妻夫亡守節

李氏張滿妻夫亡矢志撫孤

王氏馮有蘭妻夫亡堅貞自矢壽七十六

薛氏申永福妻夫亡守志撫孤成立壽七十八

解氏石惇妻夫亡甘貧守志壽七十八

李氏曾德妻夫亡守志撫孤壽七十二

王氏張相儒妻夫亡守志奉翁姑撫姪爲嗣壽六十五

張氏郭復儀妻夫亡守志撫育弱孤壽六十歲

薛氏解元生妻夫亡守志撫孤

張氏廩生文選士妻夫亡守節撫子成人壽七十四

溫氏張復臣妻夫亡守節奉翁撫子六十而卒

吳氏趙府寧妻夫亡守志撫子成人壽七十六

薛氏張藻妻夫亡守節壽六十九

解氏張名聞妻十八夫亡奉翁姑撫育遺子壽六十二

何氏孫乃魁妻夫亡矢志以姪爲嗣壽七十四學憲童匾曰節孝可風

何氏孫許妻夫死守節撫子長成壽六十

張氏龔永祿妻十八夫亡守志甘貧七十二歲

陳氏王志貞妻夫亡守志紡織奉姑撫姪爲嗣壽六十二

周氏王倫居妻夫亡守志績紡撫姪壽七十三

王氏韋相臣妻夫亡守志撫育幼孤邑令王臨曰節苦慈長壽六十五

李氏韋體德妻夫亡矢志撫姪爲嗣壽七十三

王氏張文衍妻十九夫亡奉癯姑極勤順撫姪爲嗣壽七十六

吳氏王秉信妻十九夫亡守節壽七十五

顏氏王宗知妻夫亡守志紡績奉姑邑令劉匾曰節孝完人壽

八十二

劉氏生員王知來妻夫亡守志撫姪壽七十三邑令劉匾曰克終大節

張氏吳廷隆妻夫亡守志奉親撫孤壽六十

卜氏王福安妻夫亡守志奉親撫子壽七十三

解氏賈仁裕妻二十夫亡奉姑撫孤壽六十四

閻氏樊廷極妻夫亡守志撫子子亡撫孫成立壽七十

王氏許紹郡妻夫亡守志儒學匾曰苦節維風壽七十六

張氏劉開妻夫亡守節撫小叔七歲並孤四歲成立壽七十三

王氏強敬君妻夫亡守志撫姪爲嗣邑令劉匾曰堅持雅操壽

七十

高氏薛之楷妻夫亡守志撫姪爲嗣壽七十一

王氏劉志忠妻夫亡守節撫姪爲嗣壽八十二

吳氏薛文炳妻十八守節撫子成立壽六十九

高氏樊起霧妻王氏樊起雲妻俱夫亡守志撫姪爲嗣高壽九十歲王壽八十三歲

衛氏樊大本妻十八于歸數月夫隨父出商氏事姑迭死後三年翁與夫俱亡在外氏迎柩歸葬守節終身苦乏嗣子壽七十

三

張氏晉芮妻十八夫亡撫姪爲嗣艱貞自守

李氏陳廷壻妻夫亡矢志撫孤壽六十七

王氏高信璧妻夫亡守節壽八十

段氏劉宗朝妻夫亡守節奉翁姑壽七十三歲邑令劉匾曰節

孝可風

李氏劉宗向妻二十夫亡守節壽六十九

衛氏程漢妻十九夫亡守志紡績奉親撫子成立

王氏盧琳緒妻夫亡守志撫子少亡遺孫三歲撫立成人壽七十六

孫氏虞紀緒妻夫亡守節子又亡撫孫爲嗣壽八十九

孫氏馮瑤妻夫亡苦志守節撫遺腹子成立

劉氏張復鼎妻十九夫亡撫姪爲嗣

薛氏張奮治妻夫亡守志

楊氏吳緝前妻夫亡守志撫姪爲嗣

段氏陳文燦繼妻夫亡守志撫育前子

周氏顏衍階妻夫亡奉姑子姪俱幼撫養長成

吳氏文大遇妻夫亡守志事病姑撫幼子

梁氏張炳繼妻夫亡撫子又亡撫孫成立

胡氏賈統緒妻夫亡矢志奉姑辛苦

劉氏張建芳妻夫亡誓志姑失明事極孝撫子長成

文氏王伯察妻十七子歸六月夫亡守節自矢撫姪爲嗣

薛氏王印宿妻夫亡守節奉翁撫孤

雷氏呂惠民妻夫亡苦志奉翁撫一歲子成立

師氏王世川妻十九夫亡守節撫姪爲嗣

趙氏程煥妻夫亡守志撫子成立

李氏王振郎妻夫亡矢志撫子並孫

顏氏薛秉義妻夫亡守志奉姑撫子壽八十

王氏郭干城妻夫亡守志撫孤成立

徐氏郭保位妻夫亡誓志奉孤撫子

薛氏張養蒙妻夫亡姑失明撫姪爲嗣

鄭氏柴積妻夫亡守節以姪爲嗣

徐氏程平寬妻夫亡守志撫姪爲嗣

孫氏魚喜清妻夫亡守志孝奉孀姑撫子成立

樊氏王懋臣妻夫亡守志撫姪爲嗣

張氏段爾貴妻二十夫亡奉事翁姑撫子及孫

樊氏陳執庵妻夫亡守志事姑撫姪

王氏高仲元妻夫亡矢志奉翁姑撫姪爲嗣

衛氏樊大名繼妻夫亡守節撫姪爲嗣

薛氏高仲海妻十八于歸三日夫亡守節撫姪

衛氏馮宇新妻夫亡守節孝翁姑撫子及孫

焦氏王見能妻十九夫亡矢志撫姪爲嗣

徐氏王會任妻夫亡矢志撫姪爲嗣

杜氏馮留銷妻十八夫亡姑患癰症立志扶持撫姪爲嗣

王氏胡大縱妻二十夫亡撫孤守節

韋氏王廷勤妻夫亡守志奉翁姑撫姪爲嗣

喬氏劉大輅妻十八夫亡苦志守節奉親撫子

蘇氏王云柳妻十八夫故紡績撫子

王氏陳士曰妻十八夫亡守志撫稚子而叔又撫嗣孫

程氏王企民妻夫亡守志撫遺腹子

陳氏張德輔妻二十夫亡兄欲改嫁氏誓守不移撫姪爲嗣

解氏張有才妻十九歲夫亡守節奉翁以姪爲嗣親族贈匾

王氏吉登科妻十八守節或謀改志氏居母家紡績撫孤

焦氏趙彥斌繼妻夫亡撫前子守節

賈氏趙握圭妻夫亡守節奉姑撫姪爲嗣

李氏薛滿先妻夫亡守志事翁撫子壽五十五

劉氏生員楊貞域妻夫亡守節撫姪爲嗣

溫氏吉晉妻夫亡守節

陳氏薛耀先妻夫亡守志奉姑撫子壽七十一

孫氏薛知已妻夫亡守節事翁姑撫子成人

張氏梁咸休妻夫亡守志敬事衰翁

衛氏李大賓妻夫亡守志撫孤子奉翁姑

高氏薛欽天妻十六夫亡孝翁姑苦撫幼孤

張氏監生衛志曾妻夫亡守志撫育遺子

孫氏郭廷科妻十八孀守撫姪爲嗣

趙氏曹武妻夫亡守節撫姪爲嗣

高氏閻長淳妻夫亡守志奉親育孤

孫氏師元商繼妻夫亡守志撫前子與己子俱成立

張氏師元蜚妻夫亡遺孤一歲撫之成立

陳氏薛昌妻十九夫亡奉翁姑撫子

高氏薛萬銀妻夫亡守志撫姪爲嗣

薛氏王正心妻夫亡守志撫姪爲嗣

梁氏王孟昌妻夫亡守志撫姪爲子

馮氏雷紹都妻十九夫亡守志撫子

梁氏雷永翁妻十八夫亡撫孤守節

劉氏王統衆妻夫亡守志撫孤

王氏劉以輯妻夫亡守志撫子辛苦

高氏王宇斌妻二十而寡撫遺腹子作樞憲高氏十九守節撫

姓爲嗣

牛氏王作楷妻夫亡撫孤守節

邢氏劉朝寧妻夫亡守節撫子

顏氏王瑚妻十九夫亡守志奉姑撫姪爲子

薛氏衛嘉謨妻十九夫亡守志

賈氏劉熹曾妻夫亡矢志撫孤學憲楊匾曰汎柏循陔

陳氏程王佑妻夫亡誓志撫子亡又撫孫

陳氏馬仁妻夫亡守志家貧撫孤

郭氏監生衛善繼之妻十九夫亡守節奉事翁姑撫子成立乾隆

四十四年歲饑出三百金賑恤閭村里人有匾

王氏馬之有妻夫亡守志事姑撫子

李氏馮傑妻夫亡守節撫姪爲嗣

張氏高士彪妻夫亡矢志

劉氏孫希永妻夫死守節

王氏孫振先妻十九夫亡守節

孫氏王輝妻夫死守節撫姪爲嗣

王氏史掌籍妻十九夫死守節

程氏史執簿妻夫亡守志無子翁失明或勸其改嫁氏操且益堅

丁氏史執筆妻夫亡撫遺子守節

史氏解曾敏妻夫亡守節撫子成立

賈氏李垣輔之妻夫亡守節痛哭失明

蘇氏薛繼名妻夫亡守節

王氏高維綱妻十六夫亡食貧守節

阮氏許戊巳妻夫亡守節

史氏薛特歟繼妻十九夫亡守節事翁姑撫子

吉氏高鍾德妻二十夫亡守節無子撫小叔成立

胥氏張祿印妻夫亡守節

孫氏張彬妻夫亡守節邑令呂匾曰節孝維風

石氏程滋妻夫亡守節撫子及孫

陳氏程朝珮妻夫亡守節

呂氏王廷璫妻夫亡事翁姑撫子壽七十

吉氏薛永祥妻夫亡守志撫子及孫壽八十餘歲

楊氏薛林炎妻撫姪爲子邑令鄭匾曰矢志靡他

吳氏薛懷信妻年十八夫亡守節紡績奉事翁姑

吉氏孫大年妻二十夫亡撫子早逝又撫姪爲嗣

賢女

師貞充妻薛氏淮揚道彥公之母也家法嚴肅爲縉紳家楷範歸師氏家計饒裕事舅姑惟謹性好施予一切鉛華服飾屏棄弗御嘗口誦柳氏家訓溫公家範諸書以教彥公曰做人規模求爲可繼吾非好自苦懼兒輩之習於驕而滋其咎戾也其力持大體如此同里王總憲作庭柯篇以紀其槩云

賢孝

楊丞相敞夫人太史公司馬遷女也敞宏農華陰人爲霍光所愛厚遷大司農後遷御史大夫代王訢爲丞相封安平侯昭帝崩昌邑王徵卽位淫亂大將軍與車騎將軍張安世謀欲廢王更立議旣定使大司農田延年報敞敞驚懼不知所言汗出浹背徒唯唯而已延年起至更衣敞夫人遽從東箱謂敞曰此國

韓城縣志

韓城縣知縣傳應奎文軒父重修

汝陽人

永寧縣訓導蕭宗思履中父泰訂

汝陽人

節孝續傳

吳氏年十七于歸陳澗里人曹勲爲妻二載勲亡特依嗣子詎嗣子又殤別繼無人弟婦阮氏亦孀居撫孤兒乙尙幼維時老翁已八十三歲家運坎坷衣食維艱氏偕阮各勤女紅奉事養與葬脩克有禮每泣告弟婦曰維藐茲孤延兩門祀幸嚴教成人勿縱使匪彝姊曰謹如命後乙入庠家聲丕振阮已荷蒙

皇恩賜金建坊吳纂入邑乘先予匾額俟詳請

旌獎

王氏劉金聚妻于歸五載夫亡氏堅志守節日勤織紡易布米

以奉翁姑及翁姑先後月餘俱逝氏俯伏哭泣俟借族里貲財具棺殯葬陸續楚結待四十年夫弱弟金錫生子朝宣乃求爲嗣恩養成人爲之聘于孫氏孫氏十九適朝宣越七年宣病草謂之曰我沒後爾縱生男奈家寒難忍氏泣對曰上有老母誰依妾縱生女亦必守節宣卒後二月生子岱逾月抱兒詣夫墓而泣告曰妾生一男夫主有後可無他憂言畢涕零如雨計守節四十九年今已七十四歲與九十一壽之孀母可謂兩世永

撻

張氏順德室女高文浩妻也合卺後七年而寡事姑以孝聞教子睿成立後爲鄉飲賓撫孫志伊入泮品重費宮後亦得膺鉅典嗣是曾孫克敬等或入膠庠或列成均高門之昌多賴氏培植之力孀居五十有七享年八十有二

賈氏陳潤里人幼嫻姆訓有令女大家風出適夫學士曹積瓚
依高堂禮度維謹無何積瓚患瘧氏年念四薨以身殉賴妯娌
切勸乃泣血成服哀毀骨立脫簪珥營殯事初終如繼自此日
勤女工儲極孝養以至葬祭翁姑一如葬祭其夫時以終三十
餘年歷年五十五歲克堪不朽矣

李氏居帶留里韓周周之妻也十六結褵年十九夫疾遺三子長
友晉才三週次才嗣月蘭姑早逝伯叔無人地無正雜寄人簷
下氏惻然念夫一身承祧四門之死靡患咽環茹糟怡如也厥
後家道漸昌子孫林立韓姓四門之不絕血食者賴斯節母之
功行將詳請

上憲許俟

龍章寵錫

陳氏高城里貢生李作樸妻性恬雅知大義事樸五載氏年二十四樸子將卒時呼氏至榻前上指下指嗚咽不能成聲一痛而絕氏號哭而言曰上指八旬老母吾謹事之下指四歲孩兒吾善撫之夫可瞑目矣于是奉姑母益孝撫孤兒甚慈姑歿葬祭以礼其子坐講席爲明經採訪守貞三十五載現年五十九歲編入邑乘可以閭閻足式表其門

王氏生員養熙女一十九歲侍生員陳清巾櫛遲十年生子沛霖未週歲而夫故氏以針指所易者奉親翁姑欣然忘老至教子讀書蜚聲賢宮額以畫荻霜寒凡稱今之陶母哉

馮氏十九歲于歸帶留里人韓周藩二十五歲作未亡人兩閱月生遺腹子天極上事翁姑下撫孤兒苦苦烈烈五十餘年享壽七十有五孫六曾孫十七天之報施節孝有如斯

鄉門郭氏城西關農家女結縭適燕生一子而夫故氏飲冰茹
蘗善體舅姑心每教子代父行孝于祖父母之前以娛衰老聞
之其親曰氏淑慎端肅雖名門賢媛不是過也現年九十有四
子又生孫善成一家矣

郝庄里故儒士薛玉棟之妻杜氏者出閨時年十九四閱歲
而喪所天哀痛號咷水漿不入口鄰媼勸之毅然以守節養親
定終身志且曰吾不忍吾夫絕宗祧也於是撫姪爲嗣視之猶
子現年五十七歲爲親營葬爲子授室皆三十四載守貞茹苦
拮据焦勞之日也理合載乘以待

旌

陝家橋程王氏系出名門素嫻內則十八出閨二十孀居事親
克孝訓子有方歷艱苦已六十年

解氏澤浩女于歸李壬二十五歲亡氏少壬三歲以胞姪孔玠爲己子撫之成立爲授妻室以養以教無愧所天現今壽逾六袞於玠爲母道成於壬爲婦德脩矣

韋氏韓城北澗西人儒士李煥之妻監生天登之母也生而幽靜長而一嚙一笑一話一言未嘗或有嬌居在二十二歲守節已三十八年孝翁姑訓子女和娣姒厚親族種種懿徽聞鄰里之是彤管所特書者

程氏程錡之女劉必科之妻也年十九夫亡撫堂姪志閔志灝成人一使務農一使讀書或問之曰不耕則難讀不讀亦徒耕衣食不足禮義不知終無以長子孫延宗祀也後志閔生文蔚志灝生雅奴而氏已六十矣至今耕讀相傳節婦猶親見之高氏諸生居鳳女年始弱笄監生陳欽親迎爲室守節窮居四

十二載甚得堂上歡撫猶子奉祀有熊九佐讀之風壽七十鄰里稱淑德焉

趙氏國珥女子歸程環二十歲生子名世次年夫故守節現六十七壽青年厲志直到鶴髮是真閭內完人

解氏梁作校妻年二十五而孀居家極貧氏誓志守節日勤紡績撫孤子成立現已年登八十洵鶴算冰操也

高氏雷讓妻讓卒氏年十九事翁姑勤謹誓不他適以姪爲嗣撫育成人得膺武科壽七十有二

薛氏韓城名門女年弱笄出適北關李姓雞鳴榔縱善事高堂其舅姑每言白薛氏媳進我家舊愁新恨消歸烏有矣無何夫以疾卒氏纔二十有三每以紡績易甘旨奉親自厭盛厲晏如也二子稍長卽趣就師老弱咸依爲命乃守節至五十二歲而

終里黨哀之

張門章氏壽登八旬矣其喪夫也在二十八歲時事親以孝訓子大男以正迹其歷酸楚而甘之如飴宜乎鶴髮童顏爲我

盛朝所建坊

旌表者

史氏楊福興母在城俊傑坊年未三十而夫故家業蕭條無半畝產氏矢志守節教養三子俱有名聞邨額以貞旌裕後視古竹屏節婦有過之無不及也現年七十有七

雷氏年十九歸韓文進二十孀居上無舅姑下無子息止遺氏零仃一身形影相弔且四壁蕭然半菽不飽氏惟肝腸如雪守從一而終之義不忍其夫之絕嗣也商於族長撫姪爲兒今壽登六旬已壽四十年苦節矣

史氏薛定周妻十九而笄念四夫故氏號痛不欲生轉念二
衰老子輔綱未離強祿泣曰吾有以報吾夫矣順志承顏凡所
請命皆舅姑意中事舅沒事病始又二十餘載無情容及至葬
哀痛成禮如前喪乾隆四十七年請

旌

張氏薛性賢妻二十而寡七十而終以織紵爲日用資孝親撫
孤艱辛脩歷乾隆五十年

旌表

孫氏張成妻年二十三守節至七十三而終當成染病時侍湯
藥調飲食衣不解帶目不交睫者六閱月形容枯槁幾不可支
猶強作歡咲堅強狀夫沒守節事翁日夜勤勞十指每至裂血
撫遺孤名傑成人援例入監而家道亦漸起矣乾隆五十年與

張薛薛張兩節婦同時詳請建坊

許氏懋泰女十八歲爲生員張軫繼妻兩越春秋而軫故遲二十五年姪九疇始生氏撫爲已子現今五十八歲乾隆五十一年建坊

旌表

兩薛氏一係謝止里洪福女歸南隅里儒童袁正吉一係西蘓里文聰女歸東少里儒童王印稍二女節同孝同際遇福命亦無甚異其于歸也皆十六歲其喪夫也皆二十一歲家貧親老子幼兩家饑寒常虛皆傭女工于戚黨得美食奉翁姑自茹菽藿後俱懇親族賻助以營喪葬至于撫孤成立子又生子孫又生孫及今兩人俱屬一堂四世乾隆五十二年冬同日

題請袁薛氏壽七十五王薛氏壽七十二各率子若孫於坊前稽首

頓首拜謝

皇恩士民榮之

孫氏長念女年十七出適周呂里郭雲作十九生子友諒二十而孀維時翁姑衰老家徒壁立氏日夜紡績奉事維謹及沒族黨感泣氏孝爲具棺葬之至教子務正力農家道漸興諸孫繞膝氏固大有造于郭門哉乾隆五十三年奉

旌表

王氏年十七子歸陳澗里儒士許衍誠方周歲誠以暴疾卒氏慘痛絕粒三日餘翁泣勸曰吾生祇此一子今吾老汝姑又育延我二人殘喘將來立繼禋祀我宗祊全賴汝汝朝死吾與姑不能至夕言未既氏流泣遵囑慨然以家事自任後十年堂兄生子方求爲嗣而翁已含笑地下矣三十年來事上撫下艱苦

脩嘗曰香蕉女史現年五十有二